

玉籙大齋第二日午朝儀

各禮師 存念如法

黃中策炁 斬妖滅蹤

制遏邪源

斷截魔宗

太上符命 召制神公

萬神斯格

卻禍除凶

五炁三輪 洞達真風

紫戶合瓊

六度無終

左命青腰 右攝芝童

逍遙飄景

總御九空

玄壇應機 乘炁虛沖

萬真普降

濟度無窮

發爐同早朝

請稱法位

具位與臨壇官眾等

謹同誠上啟

虛無自然元始天尊

無極大道太上道君

玉籙大齋第二日午朝儀

清微藏書閣

太上老君

高上玉皇

十方已得道大聖眾

至真諸君丈人

三十二天帝君

玉虛上帝

玉帝大帝

東華南極西靈北真

玄都玉京金闕七寶瓊臺

紫微上宮靈寶至真明皇道君

三十六部尊經

玄中大法師

上相上宰  
上保上傳

大平下教二十四真人

西城惣真王君太乙真人

東嶽上卿司命茅君

定錄保命二真人

名山洞府得道神仙

三界官屬 一切真靈

臣聞五度凝精 已兆丹光之祖

三陽隱妙

難窮浩劫

之先 虛廓無形

幽寥罔象

結梵靈之元炁

開神運

於赤明

敷落五篇

彌羅萬範

靈寶出金書之奧

鳳

曆流通

洞玄垂玉字之芒

龍文安鎮

度人無量

保

## 玉籙大齋第二日午朝儀

清微藏書閣

天長存

臣等忝紹仙宗

叨承正一

泛朱英而襲慶

誦詠瓊音

傳符籙於名山

遵修寶範

凡有所啟 敢

不上聞

齋意青詞

謹當宣奏

宣詞

具如詞言

不違懇款

恩惟大道

分別哀祈

臣聞太極金書

飛二景玄真之寶

紫霞玉彩

流九霄

神境之光

龍躍虎蹲

鳳翔鸞舞

臣等晝接真靈

午

臨壇墀

陽晶麗正

測圭景以方中

華曜舒光

瞻丹輪

而未昃

引法界虛無之聖

聚靈風鬱勃之煙

恭假香傳

奉修齋直

以今中分行道

請法眾等

運茲初捻上香

願此香煙騰空

徑上供養

虛無至真自然大道元始天尊

願以是捻香功德 上祝當今皇帝 聖壽無疆 伏願  
永御九重 備膺五福 垂衣致治 長臨南面之朝 居  
正體元 端拱北辰之所 履至尊而久視 保榮祚以無  
疆 帝命日新 神基天峻 克綏四海 丕演萬年 今  
故燒香 自皈依

道尊大聖眾 至真之德 得道之後 祈天長存

臣聞 金闕玉房 儲寶笈琅函之祕 瑤臺朱圃 顯雲  
章霞篆之祥 光煥九天 芒垂八角 以今中分行道  
請法眾等 運茲二捻上香 願此香煙騰空 徑上供養  
玉晨至聖自然靈寶大道天尊

願以是捻香功德 上資國祚宗枝 伏願 四塞向風  
諸藩慕義 梯山航海 皆為入貢之臣 交趾雕題 盡

## 玉籙大齋第二日午朝儀

清微藏書閣

效來朝之職 極乾坤之覆載 窮日月之照臨 冠帶百  
蠻 車書一軌 咸臻安靜 各遂生成 今故燒香 自  
皈依

經尊大聖眾 至真之德 得道之後 昇入無形

臣聞 元始開圖 妙剖判陰陽之本 元綱流演 明生  
成造化之源 難終難窮 莫名莫測 以今中分行道  
請法眾等 運茲三捻上香 願此香煙騰空 徑上供養  
混元大聖自然化主道德天尊

願以是捻香功德 上資所薦神靈 伏願 鍊炁無英  
回靈驕樂 黃華蕩質 俾臟腑之清涼 紫戶生仙 總  
形神而整具 參帝真而結命 慶玉女以灌香 探入飛  
空 起離舊爽 攝召長夜 開度受生 今故燒香自皈依

依

師尊大聖眾 至真之德 得道之後 昇入無形

懺悔

三啟

三禮

重稱法位

具位與臨壇官眾等 謹同誠上啟

三清至尊

十方上聖

玉京金闕天帝天真

十方師尊聖眾

三界官屬 一切威靈

### 玉籙大齋第二日午朝儀

清微藏書閣

臣聞 五帝朝真 罄精修於五體 十天降命 咸普度

於十回 臣等宿應玄圖 忝承真誥 所宜步太霞而泛景

嘯朗九霄 御白日以登晨 飛形三景 自受丹書之啟

誓 獲傳黃素之成章 不負初心 仰弘大教 欽承詞旨

謹為典行 伏慮孤魂滯魄 自從宿世 以及今身 舉

意故為 動情誤犯 未能持身 不益損己為先 嗜利無

厭 弗守固窮之志 臨財苟取 不萌見得之思 或閉吝

於己資 或侵攘於他物 自求豐殖 罔恤困窮 既乖推

義之心 實負保真之戒 恐成愆對 未卜升沉 又慮恣

迷貪累以苦形 展轉塵勞而忘本 禍招億劫 罪積萬端

或沉淪於泉曲河源 未出離於寒庭陰境 祈哀大道

請命至真 冀超黑壤之拘囚 是仗玄都之開宥 伏願

恩覃十極 澤被萬方 赤龍飛負於寶章 丹鳳驛傳於青  
籙 命魔三界 宣敕九門 金簡玉符 普開明於長夜  
朱書紫策 下超度於重陰 又乞三天師恩 玄中教主  
召靈官於三洞 敕掾吏於九泉 及召四始三元 二十八  
治 符章曹局 監察官君 五嶽神司 九州社令 捧持  
符赦 告下冥曹 攝召亡魂 齊到帝所 誨宣九過 慶  
東向以受生 普度十回 升南宮而鍊質 徹天響地 御  
炁生神 普令有識之含靈 咸得往生而隨願 則上明天  
尊大慈之化 下副臣等皈命之誠 謹啟以聞

- 一願恩覃宇宙
- 二願澤被幽明
- 三願青華度命
- 四願玉簡開扃
- 五願神真降盼
- 六願壇陞通靈

### 玉籙大齋第二日午朝儀

清微藏書閣

- 七願亡魂返妙
  - 八願滯魄超升
  - 九願四司稟敕
  - 十願五帝監生
  - 十一願靈光下燭
  - 十二願功果咸成
- 復爐同早朝

### 玉籙大齋第二日午朝儀竟

天運壬辰年巳月正一天師清微弟子洪鼎堅羅大英恭錄彙編

蔣科靜複校